

სსიპ - ლევან სამხარაულის სახელობის სასამართლო ექსპერტიზის ეროვნული ბიურო

ხ ე ლ შ ე კ რ უ ლ ე ბ ა N50

(საექსპერტო მომსახურების შესახებ)

ქ. თბილისი

13 დეკემბერი 2023 წ.

მუხლი 1. ზოგადი დებულებები

ერთის მხრივ, სსიპ - ლევან სამხარაულის სახელობის სასამართლო ექსპერტიზის ეროვნული ბიურო (შემდგომში - მიმწოდებელი) ბიუროს ეკონომიკური დეპარტამენტის დაგეგმვის და შესყიდვის სამმართველოს მთავარი სპეციალისტის თამარ მაისურაძის სახით (ბიუროს უფროსის 01.12.23 წლის #156/5 ბრძანებით მინიჭებული უფლებამოსილების ფარგლებში) და მეორეს მხრივ, სსიპ მცხეთის მუნიციპალიტეტის სოფელ წეროვნის N3 საჯარო სკოლა (შემდგომში - შემსყიდველი) წარმოდგენილი მისი დირექტორის ირმა ტატიშვილის სახით, საქართველოს კანონის სახელმწიფო შესყიდვების შესახებ პირველი მუხლის მე-3¹ პუნქტის, „ტ“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 2. ხელშეკრულების რეგულირების სამართლებრივი საფუძველი

მხარეთა შორის სახელშეკრულებო ურთიერთობები ძირითადად რეგულირდება საქართველოს სამოქალაქო კოდექსის 629-ე - 633-ე, 636-ე - 638-ე, 642-ე - 645-ე, 647-ე - 649-ე მუხლებით; „საჯარო სამართლის იურიდიული პირის – ლევან სამხარაულის სახელობის სასამართლო ექსპერტიზის ეროვნული ბიუროს მომსახურების ტარიფების დამტკიცების შესახებ“ საქართველოს მთავრობის 2023 წლის 16 იანვრის №14 დადგენილებით; „სსიპ - ლევან სამხარაულის სახელობის სასამართლო ექსპერტიზის ეროვნულ ბიუროში დაჩქარებული საექსპერტო მომსახურების სახეობების და საექსპერტო მომსახურების ვადის გამოყენების წესის დამტკიცების შესახებ“ სსიპ - ლევან სამხარაულის სახელობის სასამართლო ექსპერტიზის ეროვნული ბიუროს უფროსის 2023 წლის 26 იანვრის N8/2 ბრძანებით, აგრეთვე ამ ხელშეკრულებით.

მუხლი 3. ხელშეკრულების საგანი

ხელშეკრულებისა და მოქმედი კანონმდებლობის შესაბამისად, „სსიპ - ლევან სამხარაულის სახელობის სასამართლო ექსპერტიზის ეროვნული ბიუროს დებულების დამტკიცების შესახებ“ საქართველოს მთავრობის 2010 წლის 20 აგვისტოს N255 დადგენილებით დამტკიცებული დებულებით განსაზღვრული საინჟინრო საექსპერტო მომსახურების გაწევა, ექსპერტის დასკვნის ან აქტის დასკვნის შედგენის შეუძლებლობის შესახებ გაცემა. კერძოდ, სსიპ მცხეთის მუნიციპალიტეტის სოფელ წეროვნის N3 საჯარო სკოლის შენობას ტექნიკური მდგომარეობის დადგენა.

მუხლი 4. საექსპერტო მომსახურების ვადა

1. მიმწოდებელი საექსპერტო კვლევას/გამოკვლევას იწყებს შემსყიდველის მიერ მიმწოდებლისათვის საჭირო მასალის/ობიექტის წარმოდგენის დღიდან. დასკვნა/აქტი დასკვნის შედგენის შეუძლებლობის შესახებ გაიცემა 30 სამუშაო დღის ვადაში.
2. იმ შემთხვევაში, თუ საექსპერტო მომსახურება ითვალისწინებს ბიუროს ტერიტორიის გარეთ არსებული საკვლევი ობიექტის დათვალიერებას/კვლევას და ნიმუშის აღებას, საექსპერტო მომსახურების ვადის ათვლა იწყება შემსყიდველის მომართვის დღიდან 30 სამუშაო დღის ვადაში.
3. საექსპერტო კვლევის სირთულიდან და სპეციპივიდან გამომდინარე, საექსპერტო მომსახურების აუცილებელი გონივრული ვადა ვრცელდება საქართველოს მთავრობის 2023 წლის 16 იანვრის N14 დადგენილებით დამტკიცებული ბიუროს მომსახურების ტარიფების №N13022; 16002, 16003; 16004; 16005; 16015; 16016; 16017; 16018; 16019; 16020; 16021 კოდებით გათვალისწინებულ საექსპერტო მომსახურებაზე.

მუხლი 5. ხელშეკრულების ფასი და ანგარიშწორების წესი

1. ხელშეკრულებით განსაზღვრული სამუშაოს ღირებულება განისაზღვრება საქართველოს მთავრობის 2023 წლის 16 იანვრის N14 დადგენილებით დამტკიცებული სსიპ - ლევან სამხარაულის სახელობის სასამართლო ექსპერტიზის ეროვნული ბიურო მომსახურების ტარიფების თანახმად ფაქტობრივად შესრულებული სამუშაოს მოცულობის შესაბამისად.
2. სახელშეკრულებო თანხა საორიენტაციოდ შეადგენს **4 000 (ოთხი ათასი)** ლარს.
3. შემსყიდველი გაეცნო ზემოაღნიშნული დადგენილებით გათვალისწინებული შესაბამისი საექსპერტო ან სპეციალური სამუშაოების ღირებულებას (რასაც ადასტურებს ხელშეკრულებაზე ხელმოწერით). მხარეთა შორის ანგარიშწორება წარმოებს უნაღდო ანგარიშწორების ფორმით, ექსპერტის მიერ ექსპერტის დასკვნაზე ხელმოწერის შესრულების ან/და შემსყიდველისათვის სათანადო წესით (მოკლე სატელეფონო შეტყობინებით ან სხვაგვარი წესით) ექსპერტის დასკვნის მომზადების შესახებ ინფორმაციის მიწოდებიდან 10 სამუშაო დღის განმავლობაში, სახელმწიფო ხაზინის ელექტრონული მომსახურების სისტემაში **etreasury.ge** ინტეგრირებული საბილინგე სისტემის საშუალებით.
4. ამ მუხლის მესამე პუნქტით გათვალისწინებული პირობების დარღვევის შემთხვევაში (გადახდა ბილინგის სისტემის გარეშე), არასწორად ჩარიცხული თანხა გადამხდელს დაუბრუნდება განცხადებიდან არაუგვიანეს ხუთ სამუშაო დღეში და მომსახურების საფასური ჩაითვლება გადაუხდელად.

მუხლი 6. მხარეთა უფლება-ვალდებულებები

1. შემსყიდველი ვალდებულია:

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- ბ) ხელი შეუწყოს შემსრულებელს ამ ხელშეკრულებით გათვალისწინებული სამუშაოს შესრულებაში;
- გ) სრულყოფილი სახით წარმოადგინოს საექსპერტო სამუშაოს შესასრულებლად საჭირო მასალები ან/და უზრუნველყოს ექსპერტის ან სპეციალისტის დაშვება ობიექტზე.

2. შემსყიდველი უფლებამოსილია:

მოითხოვოს მიმწოდებლისაგან ხელშეკრულებით ნაკისრი ვალდებულებების დროული, ხარისხიანი და ჯეროვანი შესრულება.

3. მიმწოდებელი ვალდებულია:

- ა) შემსყიდველის 2023 წლის 25 სექტემბრის № 0001230478 წერილობითი მომართვის საფუძველზე, გაუწიოს „საჯარო სამართლის იურიდიული პირის - ლევან სამხარაულის სახელობის სასამართლო ექსპერტიზის ეროვნული ბიუროს დამტკიცების შესახებ“ საქართველოს მთავრობის 2010 წლის 20 აგვისტოს N255 დადგენილებით დამტკიცებული საინჟინრო საექსპერტო მომსახურება;
- ბ) საექსპერტო კვლევის ჩასატარებლად საჭირო მასალები მიიღოს და ჩაიბაროს კანონით დადგენილი წესით;
- გ) ხარისხიანად შეასრულოს ამ ხელშეკრულებით ნაკისრი სამუშაო მე-4 მუხლით გათვალისწინებულ ვადაში;
- დ) გადასცეს შემსყიდველს საექსპერტო სამუშაო (დასკვნა) მიღება-ჩაბარების აქტის გაფორმებისა და საგადასახადო ანგარიშ-ფაქტურის გადაცემის (მათ შორის ელექტრონული ფორმით) შემდეგ;
- ე) შემსყიდველის მიერ საკვლევი მასალის/ობიექტის წარმოდგენლობის ან არასრულად წარმოდგენის შემთხვევაში, შემსყიდველის მომართვიდან 5 სამუშაო დღის ვადაში მოითხოვოს საჭირო მასალა/ობიექტი;
- ვ) მოთხოვნა საჭირო მასალის/ობიექტის წარმოდგენაზე განახორციელოს: წერილობითი ფორმით; ტელეფონით (სატელეფონო საუბარი ექსპერტის მიერ დადასტურებული უნდა იქნეს შესაბამისი ოქმის შედგენით); ელექტრონული ფოსტით .
- ზ) თუ საექსპერტო მომსახურება ითვალისწინებს ბიუროს ტერიტორიის გარეთ არსებული გამოსაკვლევი ობიექტის დათვალიერებას/კვლევას/ნიმუშის აღებას, მიმწოდებელი ვალდებულია კვლევის დაწყებიდან გონივრულ ვადაში შეუთანხმოს შემსყიდველს ობიექტის დათვალიერების/კვლევის/ნიმუშის აღების თარიღი და დრო.
- თ) დაიცვას გამოკვლევის შესრულების (საექსპერტო კვლევის) საფუძველზე მიღებული ინფორმაციის კონფიდენციალურობა.

4. მიმწოდებელი უფლებამოსილია:

- ა) მოითხოვოს შემსყიდველისგან ხელშეკრულებით ნაკისრი ვალდებულების დროული და ჯეროვანი შესრულება;
- ბ) შემსყიდველის მიერ 10 სამუშაო დღეში, საექსპერტო მომსახურებისთვის აუცილებელი ობიექტის/მასალის წარმოდგენლობის/არასრულად წარმოდგენის შემთხვევაში, შეადგინოს აქტი დასკვნის შედგენის შეუძლებლობის შესახებ ან შეწყვიტოს ექსპერტიზის წარმოება.

მუხლი 7. მხარეთა პასუხისმგებლობა

1. მხარეები პასუხს აგებენ მათ მიერ ხელშეკრულებით ნაკისრი ვალდებულებების შეუსრულებლობის, ან არაჯეროვანი შესრულებისათვის, აგრეთვე ხელშეკრულების ცალმხრივად მოშლის შემთხვევაში, ან საკუთარი ნებით ხელშეკრულებიდან გასვლისას, თუ ამ ქმედებამ მეორე მხარეს მიაყენა მატერიალური ზიანი.
2. თუ შემსყიდველი უარს აცხადებს მიმწოდებლის მიერ ჩატარებული სამუშაოს გაგრძელებაზე ან მომზადებული საექსპერტო დასკვნის მიღებაზე, იგი არ თავისუფლდება ხელშეკრულებით განსაზღვრული შესრულებული კვლევის საფასურის გადახდისაგან.
3. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, სამართალდამრღვევ მხარეს დაეკისრება პირგასამტეხლოს გადახდა, მეორე მხარეს სასარგებლოდ ვალდებულების შესრულების ყოველ ვადაგადაცილებულ დღეზე კონკრეტულად გაწეული მომსახურების ღირებულების 0.01%-ის ოდენობით.

მუხლი 8. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის მომენტიდან. ხელშეკრულების მოქმედება ვრცელდება მხარეთა შორის წარმოშობილ ურთიერთობებზე 2023 წლის 26 სექტემბრიდან ანუ სსიპ მცხეთის მუნიციპალიტეტის სოფელ წეროვნის N3 საჯარო სკოლის № 0001230478 წერილობითი მომართვის დროის პერიოდიდან და მოქმედებს ამ ხელშეკრულებით ნაკისრი ვალდებულებების სრულად შესრულებამდე.

მუხლი 9. ხელშეკრულების შეწყვეტა

1. ხელშეკრულება ავტომატურად წყდება:

- ა) მხარეების მიერ დაკისრებული ვალდებულებების სრულად შესრულებისთანავე;
- ბ) შემსყიდველი იურიდიული პირის ლიკვიდაციის შემთხვევაში, თუ მას არ ჰყავს უფლებამონაცვლე.

2. მხარეებს შეუძლიათ ურთიერთ შეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

3. მხარეებს უფლება აქვთ ცალმხრივად შეწყვიტონ ხელშეკრულება მისი მოქმედების ნებისმიერ ეტაპზე ან უარი განაცხადონ ხელშეკრულებით ნაკისრი ვალდებულებების შესრულებაზე, თუ მეორე მხარე არ ასრულებს ამ ხელშეკრულებით მასზე დაკისრებულ მოვალეობას.

მუხლი 10. ხელშეკრულებაში ცვლილებების შეტანა

1. წინამდებარე ხელშეკრულების პირობების, მათ შორის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა (ხელშეკრულების ცალკეული პირობების შეცვლა, გაუქმება) შეიძლება განხორციელდეს მხოლოდ წერილობითი ფორმით საქართველოს სამოქალაქო კოდექსით დადგენილი წესით.

2. ხელშეკრულებაში ყოველი ცვლილების შეტანა წარმოადგენს გარიგებას და საჭიროებს წერილობით ფორმას, რომელსაც ხელს აწერენ მხარეები.

3. ხელშეკრულებაში შეტანილი ცვლილება წარმოადგენს ხელშეკრულების განუყოფელ ნაწილს.

მუხლი 11. დავის გადაწყვეტა

მხარეები ხელშეკრულებიდან გამომდინარე წარმოშობილ დავებს წყვეტენ ურთიერთშეთანხმებით, ხოლო შეუთანხმებლობის შემთხვევაში დავების გადასაწყვეტად მიმართავენ საერთო სასამართლოს საქართველოს სამოქალაქო საპროცესო კოდექსით დადგენილი წესით.

მუხლი 12. ფორს მაჟორი

მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით მეორე მხარისათვის მიყენებული ყოველგვარი ზიანის ანაზღაურებისაგან, თუ ეს გამოწვეულია ფორს-მაჟორული სიტუაციით.

მუხლი 13. სხვა პირობები

1. შემთხვევები, რომლებიც არ არის გათვალისწინებული წინამდებარე ხელშეკრულებით მოწესრიგდება საქართველოს სამოქალაქო კოდექსით დადგენილი წესით.

2. დაჩქარებული საექსპერტო მომსახურების შემთხვევაში ვადების ათვლა განისაზღვრება „სსიპ - ლევან სამხარაულის სახელობის სასამართლო ექსპერტიზის ეროვნულ ბიუროში დაჩქარებული საექსპერტო მომსახურების სახეობების და საექსპერტო მომსახურების ვადის გამოყენების წესის დამტკიცების შესახებ ბიუროს უფროსის 2023 წლის 26 იანვრის N8/2 ბრძანების შესაბამისად.

მხარეთა რეკვიზიტები

მიმწოდებელი	შემსყიდველი
<p>სსიპ ლევან სამხარაულის სახელობის სასამართლო ექსპერტიზის ეროვნული ბიურო</p>	<p>სსიპ მცხეთის მუნიციპალიტეტის სოფელ წეროვნის N3 საჯარო სკოლა</p>
<p>ს/კ: 204852089</p>	<p>ს/კ: 236098138</p>
<p>ეკონომიკური დეპარტამენტის დაგეგმვის და შესყიდვის სამმართველოს მთავარი სპეციალისტი თამარ მაისურაძე</p>	<p>სსიპ მცხეთის მუნიციპალიტეტის სოფელ წეროვნის N3 საჯარო სკოლის დირექტორი ირმა ტატიშვილი</p>